

V764
11

IN HONOREM
HOMAGII,
SERENISSIMO POTENTISSIMOQVE
PRINCIPI AC DOMINO,
DOMINO
STANISLAO
AUGUSTO,
REGI POLONIAE

^{AC}
MAGNO DUCI LITHUANIAE, RUSSIAE,
PRUSSIAE CAET. CAET.

DOMINO LONGE CLEMENTISSIMO,
^A
TERRARUM BORUSSIAE
CIVITATIBUS, MAJORIBUS
THORUNII, DIE XX^{MO} MENSIS MAJI,
ELBINGAE, DIE XI^{MO},
GEDANI, DIE XXVI^{TO},
MINORIBUS

MARIAEBURGI, DIE XVII^{MO} MENSIS JUNII
SOLEMNITER PRAESTITI,
SACRAE REGIAE MAJESTATI

CUM HOC QUALICUMQVE DEVOTISSIMAE VENERATIONIS
DOCUMENTO ADSURGERE CONATUS EST,

SERVUS HUMILLIMUS

JOANNES SAMUEL FROM,
RECT. LYCEI MARIAEBURGENS. ET REG. SOCIET. TEUTON. REGIOMONT. MEMBR.

GEDANI

TYPIS THOMAE JOANNIS SCHREIBERI MAGNIFICI SENATUS
ET ATHENÆI TYPOGRAPHI.

XVI, 340



iscent tumultus, & variae vices
Mortalitatem; duraque principum
Mors tristiciorem versat urnam,
Sortibus ambiguam exituris.

Curfu expedito sol velut occidens
Exstinguit vndis laetitiae facem,
Caligo succedit, minarum
Foeta parens vigilisque curae.

AUGUSTUS ergo, non aliis, suae
Vitae ampliori fine, beatior,
Diri suis primam doloris
Materiam ex obitu parauit?

Aerumna tollit gorgoneum caput
Dextra reflexum, pectoribus coquit
Spectrum pericli, & lacrimarum
Omina, suspitionis artes.

Regale visum tum folium quati,
Et ire praeceps imperii otium,
Verso salutis patriaeque
Cardine; sed modo visa, surgunt.

Non semper vrgent fulgura, dulcibus
Sub nocte somnis infidiantia,
Et saepius mitis diana
Splendida per spatiastra.

Dei tonantis per mediam ruit
Vox missa gentem: parce *Polonia*
Angi, incipit magno tuarum
Vindice mox nouus ordo rerum.

Dixit. Recurrens pax niueis rotis
Tumultuantum murmura comprimit,
STANISLAUM AUGUSTUMQUE REGEM
Sede throni locat in sacrata.

Ter aura plaudens sponte tripudiat,
Ter factionum foedera contremunt,
Moras & indignatus, vndas
Vistula agit violentiores.

Terrae, sorores, quas meus, incipit,
Amplexus ambit, surgite ad oscula
REGIS pedum, ex virtute digni
Stemmatibusque **PIASTIDARUM**.

Mirans *Polonus*, pace sibi dari,
Mutare sceptrum **PRINCIPE** sub nouo,
Refuscitato gratulatur
Spem imperio generosiore.

Vinclo *Polonis* iuncta fororio,
Precationum thura, *Borussia*
In pectorum succendit aris,
Pro auspiciis valitura faustis.

Vox vna: salue, **REX, PATRIAE PATER,**
Petite voto supplice coelitus!
Nulli secundum, **TE** decebit
Deliciis, charitumque fertis

Cinxisse canos. Namque **TIBI** datur,
Aeui nepotes stamina ad vltimos
Duxisse, quos quo dignitatis,
Vitae vt eos spatio relinquant.

Erit, molestam TE duce pellere
Seculi nouercam, sollicitudinem,
Proscribere & fastidiorum
Ludibrio genus omne ventis.

Tenor sacrarum TE viget arbitro
Legum, tenebunt juraque iter suum,
Et criminum lasciuia turba
Luxuriabit inulta nusquam.

Ortum, precamur, *Sarmatiae iubar*
Semper serenae lumina gratiae
Spargat, nigram indignationis
Regifcae vetet ire nubem!

Sic fiet, *Vrbes*, pronae vt homagii
Fidem impleatis, nomine *Regio*,
Episcopo sponsam, *intimoque*
Consiliario, ea vice auctis.

Illum Senatus ordine splendidum,
Gazae Hunc ministrum PRINCIPIS inclitum,
Vtrumque virtus, dignitasque,
Famaque nominis extulerunt.

Bis dena Maji sacra *Thorunio*,
Elbingae, ad Idus tertia erit dies
Juni, *Mariaeburgo*, eas post
Quarta, minoribus oppidisque.

Juli ad Calendas tum *Gedanensibus*
Est sexta festum. Plaudite tempora,
De lapsibus solaris orbis
Vsque refurgite laetiora!

